

大寶積經卷第一百六

文六

大唐三藏法師菩提流志奉 詔譯

阿闍世王子會第三十七

如是我聞一時佛在王舍城耆闍崛山中與大比丘眾千二百五十人俱爾時阿闍世王所愛之子名為師子與其同友五百人俱皆

已趣向阿耨多羅三藐三菩提各持種種幢幡寶蓋從王舍城往耆闍崛山到如來所禮拜供養於是王子合掌恭敬而白佛言惟願如來為我宣說諸菩薩行爾時王子即說頌言云何得端正 蓮花中化生 云何知宿命願佛為宣說

爾時如來了達諸行究竟彼岸隨問而答即說頌曰 忍辱得端正 施蓮華化生 法施知宿命汝當如是解 王子又問 云何得成就 三昧陀羅尼 凡有所發言

皆令人信受

世尊答曰

修心得三昧

發言人信受

王子又問

云何得正念

堅固不可壞

世尊答曰

不諂得正念

護法心堅固

王子又問

云何成妙相

觀者樂無厭

世尊答曰

由施得諸相

觀者無厭足

王子又問

云何得梵音

忍獲陀羅尼

敬重於眾生

具足智慧生

如法而修行

巧觀智慧生

尊重所修行

具足三十二

八十隨形好

行慈獲隨好

等心於眾生

迦陵頻伽聲

云何令世間

見者皆歡喜

世尊答曰

誠言獲梵音

見者皆歡喜

王子又問

由何等業行

唯願如來說

世尊答曰

於諸法施中

值遇諸如來

王子又問

云何離諸難

性常無放逸

世尊答曰

淨信離諸難

所生無放逸

王子又問

云何獲神通

願佛為開演

世尊答曰

施乘得神通

由是盡諸漏

王子又問

云何淨業成

為眾之所愛

世尊答曰

勝解成淨業

所生令眾愛

王子又問

云何得長壽

願牟尼宣說

世尊答曰

不害得長壽

得難壞眷屬

王子又問

云何得財富

教授成宿命

捨離於二邊

魔網不能罣

而於世世中

精進摧伏魔

如說而修行

獲少病之身

感難壞眷屬

除他憂少病

諍訟使和合

資具無損減

於世世所生

及證宿命智

能求盡諸漏

持戒生善趣

由修習於空

成就大威德

世尊答曰

不嫉獲財富

有威德自在

王子又問

云何獲大力

唯願人尊說

世尊答曰

恒施上味食

威勢常超勝

王子又問

云何得成就

種種衆生心

世尊答曰

施燈感天眼

故獲他心智

王子又問

云何得淨土

功德海當說

世尊答曰

由願得淨土

得周遍圓光

王子又問

云何所生處

亦無有志失

世尊答曰

凡所遊行處

菩提心不壞

王子又問

云何大牟尼

唯願人尊說

世尊答曰

勝志樂具足

為衆之所愛

爾時王子與諸大衆聞是偈已咸作是言如佛所說此諸妙行我等從今盡當修學是時

無慳資具增

謙下成尊貴

衆魔不能害

威勢常超勝

恐怖令安隱

由斯得大力

天眼及天耳

云何能了知

奉樂成天耳

遠離於二邊

及以衆圓滿

獲隨體圓光

忍力衆成就

施衆妙寶帳

菩提心不壞

乃至於夢中

城邑聚落中

化衆趣菩提

為衆之所愛

攝取一切法

不退菩提心

由此攝諸法

如來即現微笑放大光明遍照無量無邊世界於是彌勒菩薩白佛言世尊以何因緣現此微笑願為宣說斷除疑惑爾時佛告彌勒菩薩摩訶薩言善男子此王子等五百同友皆於往昔為求無上正等菩提恭敬供養十那由他八十億諸佛而我往在然燈佛時作婆羅門子成熟於彼然彼諸人於未來世彌勒佛等諸世尊前恒受化生親承供養如是奉事十億如來滿三百劫其最後佛號無邊智善學諸法時無邊智佛知彼諸人心之欲樂各隨所應為授阿耨多羅三藐三菩提記同於安樂光嚴劫中成等正覺皆號智慧幢相此諸佛刹所有莊嚴亦如西方無量壽國等無差別善男子若有眾生聞此所說而生信解發願當成大菩提者應知是人所獲功德於三世中無有倫四善男子若有人能六百劫中恒以眾寶遍諸佛刹奉施如來若復有人聞是經典所生善根比前功德算數校

文六

五

計所不能及說是法時眾中八十億眾生一時趣向阿耨多羅三藐三菩提又此三千大千世界皆悉震動天雨妙花爾時王子與五百同友聞授記已歡喜踊躍咸作亦言我等定當成無上覺於是王子及諸同侶既與供養獲五神通即於佛前種種變現出家為道爾時諸菩薩摩訶薩及諸天人所有趣向大菩提者見彼王子與諸同友隨眾所樂示現神變皆大歡喜咸作是言師子王子所問疑惑如來法王悉為除斷如是世尊不可思議如來正法及能信受乃至果報不可思議如來功德無量無邊於一切法靡不明達為世導師度未度者普能遍於十方世界悉已了知三世諸法誰有智者得聞如是生安樂處功德之聚而不發起猛利信樂趣求菩提佛說是經已師子王子等五百同友歡喜奉行大寶積經大乘方便會第三十八之一

東晉天竺居士竺難提譯

如是我聞一時佛在舍衛國祇樹給孤獨園  
精舍與大比丘八千人俱甘學無學大聲聞  
眾菩薩摩訶薩萬二千人皆得神通眾所知  
識得陀羅尼無礙辯才得諸法忍無量功德  
皆悉成就尔時如來從三昧起無量百千萬  
億眾生恭敬圍遶而為說法尔時眾中有菩

薩摩訶薩名曰智勝即從座起偏袒右肩右  
膝著地合掌向佛而白佛言世尊欲問一事  
唯願聽許若佛聽者乃敢諮請佛告智勝菩  
薩善男子恣汝所問當為汝說斷汝所疑尔  
時智勝菩薩白佛言世尊所言方便何等為  
菩薩方便世尊云何菩薩摩訶薩行於方便

如是問已佛讚智勝菩薩言善哉善哉善男  
子汝為諸菩薩摩訶薩故問方便義多所利  
益多所安樂愍念世間利益安樂唯天世人  
為攝未來諸菩薩智慧及去來現在諸佛法  
故善男子當為汝說諦聽諦聽善思念之智  
勝菩薩受教而聽善男子行方便菩薩以一

文六

六

搏食給施一切眾生何以故行方便菩薩以  
一搏食施與下至畜生願求一切智以是菩  
薩與一切眾生共之迴向阿耨多羅三藐三  
菩提以是二因緣攝取一切眾生所謂求一  
切智心及願方便善男子是名菩薩摩訶薩  
行於方便復次善男子菩薩摩訶薩行於方

便若見行施之人生隨喜心以此隨喜善根  
願與一切眾生共之迴向阿耨多羅三藐三  
菩提是方便菩薩亦願施者受者不離一切  
智心假令受者是二乘人亦願不離一切智  
心是名菩薩摩訶薩行於方便復次善男子  
菩薩摩訶薩行於方便若見十方世界中無

主花樹及種種香合集願以供養諸佛若見  
十方世界中有主花香若香若葉風所吹者  
一切合集願以供養十方諸佛以是善根若  
自為若為一切眾生具一切智心以是善根  
因緣故得無量戒定慧解脫解脫知見是名  
菩薩摩訶薩行於方便復次善男子菩薩摩

訶薩行於方便若見十方世界衆生受諸樂報見已作如是念願一切衆生得一切智樂若見十方世界衆生受諸苦報爲諸衆生懺悔諸罪作是大莊嚴如是衆生所受苦惱我悉代受令彼得樂以是善根願成一切智除一切衆生苦惱以是因緣故畢竟不受一切

文六

七

諸苦純受諸樂是名菩薩摩訶薩行於方便復次善男子菩薩摩訶薩行於方便若禮一佛恭敬供養尊重讚嘆作是念一切如來同一法界一法身一戒一定一慧一解脫一解脫知見作是念已當知若禮一佛恭敬供養尊重讚嘆即是禮拜供養恭敬尊重讚嘆一

切諸佛若供養一佛即是供養十方諸佛如是供養十方佛已是名菩薩摩訶薩行於方便復次善男子菩薩摩訶薩行於方便若鈍根者不應自輕乃至若能通利一四句偈作是念若解一四句偈義即知一切佛法一切佛法皆攝在此一偈義中如是通達已心不

懈怠若至諸國城邑聚落以慈悲心廣爲人說不求利養名聞讚嘆作如是願此四句偈願令他聞以是善根因緣方便願已令一切衆生多聞皆如阿難及得如來辯是名菩薩摩訶薩行於方便復次善男子菩薩摩訶薩行於方便若生貧窮家是菩薩乃至乞食若得一搏食持用施僧若施一人不以爲愧應作是念如佛所說心增廣大勝以財施我財施雖少以一切智心願是善根成一切智令諸衆生悉得寶手猶如如來以是緣故具足施戒禪定福處是名菩薩摩訶薩行於方便復次善男子菩薩摩訶薩行於方便若見聲聞緣覺多得利養尊重讚嘆是菩薩自以二緣慰喻其心何等爲二所謂因菩薩故有諸如來因如來故有聲聞緣覺如是思惟二乘之人雖得利養我猶勝彼彼所食者是我父物云何於中而生希望是名菩薩摩訶薩行於方便復次善男子菩薩摩訶薩行於方便

行施之時具六波羅蜜何等為六善男子菩薩行方便時若見乞兒除慳惜心具足大施是名檀波羅蜜自持禁戒施持戒者見破戒人勸令持戒勸持戒已然後給施是名尸波羅蜜自除瞋恚行於慈愍心無穢濁利益眾生等心而施是名羸提波羅蜜若施飲食湯

文六

八

藥即時具足身心精進去來進止屈申俯仰是名毗離耶波羅蜜若行施已其心得定歡喜悅預專念不亂是名禪波羅蜜如是施已分別諸法施者是誰誰為受者誰受報者如是觀已無有一法名為施者若受施人及受報者是名般若波羅蜜善男子是名菩薩摩訶薩行於方便具六波羅蜜爾時智勝菩薩白佛言世尊未曾有也菩薩摩訶薩行於方便即於施時以此施故攝一切佛法及諸眾生佛告智勝菩薩善男子如汝所說菩薩摩訶薩行於方便以方便力故雖行少施所得福德無量無邊阿僧祇佛復告智勝菩薩善

男子菩薩摩訶薩雖至不退轉地亦以方便而行於施是名菩薩行於方便善男子有時惡知識教菩薩言汝何用久處生死可於此身早入涅槃菩薩知已即應離之我如是大莊嚴教化一切眾生是人為我作諸留難若我不在生死中者何能教化無量眾生智勝

菩薩白佛言世尊若有眾生以妄想故犯四重罪佛告智勝菩薩善男子若出家菩薩以妄想故犯四重罪行方便菩薩能盡除滅我今亦說無有犯罪及受報者智勝菩薩白佛言世尊云何菩薩犯罪佛告智勝菩薩善男子菩薩雖行解脫戒於百千劫中噉果食草

文六

九

能忍眾生善惡之語若與聲聞緣覺共思惟法善男子是名菩薩摩訶薩犯於重罪善男子如聲聞人犯於重禁非即此身得入涅槃善男子菩薩如是不除聲聞緣覺共思惟法不捨不悔者終不得成阿耨多羅三藐三菩提若得佛法無有是處爾時尊者阿難白佛

言世尊我今晨朝入舍衛城次第乞食見眾尊王菩薩與一女人同一牀坐阿難說是語已即時大地六種震動眾尊王菩薩於大眾中上昇虚空高七多羅樹語阿難言尊者何有犯罪能住空耶阿難可以此事問於世尊云何罪法云何非罪尔時阿難憂愁向佛右

膝著地手執佛足世尊我今悔過如是大龍我說犯罪如是菩薩我求其過世尊我今悔過唯願聽許佛告阿難汝不應於大乘大士求覓其罪阿難汝聲聞人於障處行寂滅定無有留難斷一切結阿難行方便菩薩如是成就一切智心雖在中宮姝女共相娛樂不起魔事及諸留難而得阿耨多羅三藐三菩提何以故阿難行方便菩薩無有受如是眾生不以三寶勸化若阿耨多羅三藐三菩提阿難若學大乘善男子善女人不離一切智心若見可意五欲即便在中共相娛樂阿難汝應作是念如此菩薩即是能成如來根本

佛告阿難汝今諦聽諦聽以何緣故眾尊王菩薩摩訶薩與此女人同一牀坐阿難彼女人者曾於過去五百世中為眾尊王菩薩作婦彼女人本習氣故見眾尊王菩薩心生愛著繫縛不捨此眾尊王菩薩威德端正持戒力故見已歡喜踊躍在一獨處生如是心若

眾尊王菩薩能與我共一牀坐者我當發阿耨多羅三藐三菩提心阿難尔時眾尊王菩薩知彼女人心之所念如是知已即於晨朝著衣持鉢入舍衛城次第乞食至彼女家即入其舍尋時思惟如是法門若內地大若外地大是一地大以地大心執女人手共一牀

文六

十

坐眾尊王菩薩即於坐上而說偈曰  
如來不讚歎 凡夫所行欲 離欲及貪愛  
乃成天人師  
佛告阿難時彼女人聞此偈已心大歡喜踊躍無量即從坐起向眾尊王菩薩接足敬禮說是偈言



我不貪愛欲 貪欲佛所呵 離欲及貪愛  
乃成天人師

說是偈已作如是言我先所生惡欲之心今  
當悔過即生善欲發菩提心願欲利益一切  
衆生佛告阿難尔時衆尊王菩薩勸彼女人  
令發阿耨多羅三藐三菩提心已即從坐去

阿難汝觀是女人專心福報我今以正遍知  
記彼女人於此命終得轉女身當成男子於  
將來世九十九劫供養百千無量阿僧祇諸  
佛具足一切佛法得成爲佛號無垢煩惱如  
來應供正遍知彼佛成道已當是世時無有  
一人起不善心阿難當知行方便菩薩所攝

眷屬終不墮三惡道尔時衆尊王菩薩從空  
中下頂禮佛足禮已白佛言世尊菩薩行於  
方便若爲一人起大悲心合集善法若似犯  
罪若實犯罪於百千劫墮大地獄世尊此菩  
薩堪受諸惡及地獄苦以此善根願不捨一  
人尔時世尊讚衆尊王菩薩言善哉善哉善

又六

十一

男子菩薩成就如是悲心雖受五欲不犯重  
罪離於諸罪及遠一切墮惡道業善男子我  
念過去阿僧祇劫復過是數時有梵志名曰  
樹提於四十二億歲在空林中常修梵行彼  
時梵志過是歲已從林中出入極樂城入彼  
城已見有一女彼時女人見此梵志儀容端

嚴即起欲心尋趣梵志以手執足即時躡地  
善男子尔時梵志告女人曰姊何所求女曰  
我求梵志梵志言姊我不行欲女曰若不從  
我我今當死善男子尔時樹提梵志如是思  
惟此非我法亦非我時我於四十二億歲修  
淨梵行云何於今而當毀壞彼時梵志強自

頻拙得離七步離七步已生哀愍心如是思  
惟我雖犯戒墮於惡道我能堪忍地獄之苦  
我今不忍見是女人受此苦惱不令是人以  
我致死善男子尔時梵志又如是思惟已還  
至又所以右手捉作如是言姊起恣汝所欲  
善男子尔時梵志於十二年中共爲家室過

十二年已循復出家即時還具四無量心具已命終生梵天中善男子汝勿有疑尔時梵志即我身是彼女人者今瞿夷是善男子我於尔時爲彼女欲暫起悲心即得超越十百千劫生死之苦善男子汝如是觀若餘衆生由愛欲故墮於地獄行方便菩薩由生梵天是名菩薩摩訶薩行於方便佛復告智勝菩薩善男子若舍利弗大目犍連等行方便者不令瞿伽離墮於地獄何以故善男子我念過去世鳩留孫佛時有一比丘名曰無垢在空林野止住窟中去窟不遠有五仙人當尔之時卒起大雲而降大雨時有貧女道遇暴雨寒裸恐怖即入無垢所住窟中時雨既止無垢比丘共此女人從窟而出時五仙人見此事已心生荒穢各相謂言無垢比丘心懷奸諂作不淨行時無垢比丘知彼仙人之心之所念即躡身虛空高七多羅樹時五仙人見無垢比丘上昇虛空見已復相謂言我等所

文六

十二

見書記經論若人作不淨行不能如是飛昇虛空若修淨行則能如是彼時仙人即向無垢五體投地合掌悔過不敢覆藏佛告智勝菩薩善男子尔時無垢比丘若不作如是方便飛昇虛空者此五仙人即此生身入於地獄善男子尔時比丘豈異人乎即彌勒菩薩是善男子汝今當知舍利弗目犍連若作如是方便飛昇虛空者瞿伽離比丘不墮地獄善男子汝今當知如諸菩薩摩訶薩所行方便聲聞緣覺之所無有善男子譬如姪女善知六十四態爲財寶故媚言誘他詐許捨身所重之物無所置惜後得彼物得彼物已驅逐令去不生悔心善男子行方便菩薩能知隨宜行於方便如是教化一切衆生隨其所欲而爲現身於所須物心無恡惜乃至捨身爲衆生故愛樂善根不求果報知諸衆生作善根已心無退轉即於尔時心生捨離所現五欲永無戀著善男子譬如黑蜂在畜生中

於一切花雖著香味而於其中無依止想無所愛著於花葉莖香不持而去善男子菩薩摩訶薩行於方便亦復如是為化衆生處於五欲見法無常不以常想而起於愛又不自害亦不害他善男子如小種子雖生於芽然其本色無所虧損不生異物善男子如是空

文六

十三

無相無作無我智慧種子菩薩雖有煩惱於五欲娛樂不生三惡道牙不損善根之色亦不退轉善男子譬如魚師以食塗網投之深淵既滿所求即尋牽出善男子行方便菩薩亦復如是以空無相無作無我智慧熏修其心結以為網一切智心以為塗食雖投五欲

汗泥之中如其所願牽出欲界命終之後生於梵世善男子譬如有人善知呪術為官所執被五繫縛此人自以呪術力故即斷五縛隨願而去善男子如是菩薩摩訶薩行於方便雖處五欲共相娛樂為化衆生如其所求以一切智呪斷五欲縛生於梵世善男子譬

如士夫善知戰法藏一利刀衛送行人而彼衆中無有一人能知此人密懷奇謀而反輕之更生憐愍無敬重心各相謂言彼人既無器仗亦無伴黨此非健士復無勢力自身不救何能濟人此若壞賊無有是處彼人必當受諸困厄時彼士夫遂至空澤群賊俱發尔

時士夫牢自莊嚴尋時即出所藏之刀始一擲刀群賊喪命諸賊既壞復還藏刀善男子行方便菩薩善藏智刀而以方便處於五欲共相娛樂為化衆生聲聞見此方便菩薩處於五欲共相娛樂不知方便故生濁心或復憐愍謂為放逸如是之人尚不自度何況能救一切衆生若能壞魔無有是處尔時菩薩善用方便智慧之刀如其所求斷諸煩惱盡令摧滅以智慧刀至淨佛土無諸女人乃至無有一念欲想尔時有菩薩名曰愛作入舍衛城次第乞食漸漸遂至一長者家長者有女名曰德增住高樓上彼時女人聞菩薩聲

尋持食出向愛作菩薩女見菩薩取其形容  
相好音聲欲心即起為欲所燒即時命終骨  
節解散愛作菩薩見德增女亦起惡覺姪欲  
之心于時愛作菩薩即自思惟云何彼法法  
者為著云何彼眼何者此眼眼性非知但是  
肉搏不受不知不思不覺無所分別其性本

文六

十四

空耳鼻舌身意法亦復如是薄皮厚皮血肉  
脂肪髮毛爪齒骨髓筋脉從足至頂如是觀  
已若內若外無有一法而可愛著若瞋若癡  
於一切法如實觀即離欲心得無生忍得無  
生忍已其心歡喜踊躍無量即昇虛空高一  
多羅樹遶舍衛城七市尔時世尊見愛作菩

薩飛騰虛空猶如鵝王無所罣礙佛見是已  
告阿難言阿難汝見愛作菩薩飛騰虛空猶  
如鵝王無所礙不阿難言唯然已見佛告阿  
難是愛作菩薩因起欲心推求諸法即壞魔  
眾當轉法輪時德增女命終之後生三十三  
天轉于女身得成男子自然處於七寶宮殿

縱廣正等十二由旬有萬四千諸天姝女以  
為侍衛是德增天子得識宿命推先業行以  
何業緣而來生此如是思惟已見舍衛城中  
作長者女愛作菩薩生姪欲心欲心熾盛即  
身命終便轉女身得成男子我以是事得無  
量神力尔時德增天子如是思惟因起姪欲

得如是報今我於愛作菩薩心甚清淨禮敬  
供養我今若住先愛五欲此非我宜如是思  
惟已當詣如來并欲見於愛作菩薩禮敬供  
養時德增天子與其眷屬持天花香塗香末  
香即於初夜來至佛所自以光明普照祇洹  
入觀世尊及見愛作即以天花末香塗香供

文六

十五

養於佛頂禮佛足及愛作菩薩一切大衆右  
遶三市合掌向佛即說偈言

天人之尊 不可思議 菩薩所行 亦不可議  
如來之法 不可思議 大名稱者 亦不可議  
我昔舍衛 曾為僮女 在長者家 名曰德增  
其年幼少 顏貌端正 父母愛念 為作遮護

如來世尊 無有輕戲 有子愛作 有大威德  
 入舍衛城 而行乞食 漸到我父 所止之舍  
 我時聞其 好妙音聲 心大歡喜 即持食出  
 尋時向於 行大心者 如來之子 愛作菩薩  
 見菩薩時 已在我心 觀其淨妙 心生染欲  
 我若不得 內心所願 便當即時 身命殞沒  
 我於尔時 口不能言 手所持食 不能與之  
 內心懷熱 而發姪欲 是時身熱 尋便命終  
 我時命終 經一念頃 尋得上生 三十三天  
 離於最下 女人之身 得成男子 為人所讚  
 勝妙宮殿 自然而出 種種妙寶 人之所珍  
 具足一萬 四千姝女 如是眷屬 是我所有  
 我以此緣 尋觀宿命 而自思惟 即知往因  
 因發欲心 得如是報 我以染心 視於愛作  
 由見菩薩 得喜光明 我身所出 光明之焰  
 因彼業緣 得如是報 我終不願 求於二乘  
 所願之處 唯佛知之 姪欲之心 得報尚尔  
 何況能作 善心供養 如我於今 向於世尊

發如是願 求一切智 假使所行 劫如恒沙  
 終不退轉 於佛智慧 遇善知識 愛作菩薩  
 今我當以 真法供養 若餘供養 非為供養  
 唯發菩提 是真供養 行於菩提 最勝最尊  
 更不以欲 視諸女人 我願如是 離於女身  
 向諸佛說 四無所畏 我之父母 尋曉見我  
 身壞碎爛 悲號啼哭 父母謂之 比丘所為  
 稱怨啼哭 呵罵比丘 佛之神力 令彼天子  
 至父母所 呵責諫喻 於此比丘 勿生瞋恚  
 莫於長夜 受諸苦惱 德增女人 先命終已  
 即得上生 三十三天 離於女身 得成男子  
 為天人身 光明遠照 父母今當 詣世尊所  
 先不善心 今應悔過 若除如來 諸佛世尊  
 更無有人 可歸依者 以無畏心 勸喻父母  
 即時父母 得聞佛名 尋共和合 至於釋迦  
 牟尼佛所 至佛所已 頭頂敬禮 二足之尊  
 今者悔過 本瞋恚心 恭敬尊重 人中之尊  
 今者應問 如來自知 云何供養 佛法及僧

文六

十六

云何修習 行於善行 如是所問 願為說之

若得聞已 專心修行 佛知父母 其心決定

天人之師 說如是言 若欲供養 一切諸佛

專心堅固 發菩提心 德增父母 及諸眷屬

其數具足 滿五百人 聞天人師 如是之言

發菩提心 而作大願 尔時佛告 賢者阿難

汝今善聽 我之所說 菩薩所行 不可思議

無上智慧 及以方便 愛作菩薩 數數發願

女人見我 若發欲心 尋時得離 於女人身

得成男子 為人所尊 阿難汝觀 德力如是

若犯非法 應墮惡道 健士行之 得壞魔眾

令彼生天 得為天人 今此天子 供養於我

其心恭敬 正向菩提 彼當供養 無量世尊

來世成佛 號曰善見 此五百人 向菩提者

亦當作佛 為天人師 佛有是德 誰不供養

是處深信 得無量樂 非一女人 非二非三

無量百千 那由他億 見於愛作 發淫欲心

尋即命終 得為男子 大醫藥王 有大名稱

如是菩薩 誰不尊敬 雖生欲心 更得快樂  
況於菩薩 生恭敬心

大寶積經卷第一百六 七末 文六

大寶積經卷第一百七 文七

東晉天竺居士竺難提譯

大乘方便會第三十八之二

尔時尊者阿難白佛言世尊譬如須彌山若  
諸雜色至其邊者同一金色世尊若有眾生  
至菩薩邊者若瞋心若淨心若欲染心如是

一 殊大用刊

一切悉皆同一薩婆若色世尊我從今日於  
諸菩薩生尊重心如須彌山世尊如有藥王  
名曰悉見若有瞋心及清淨心服此藥者皆  
得除愈彼藥能除一切諸毒世尊菩薩亦如  
是若有瞋心淨心至菩薩所者菩薩悉能為  
除一切貪恚癡病尔時世尊讚阿難言善哉